

فَضَائِلُ الْعَشْرِ مِنْ ذِي الْحِجَّةِ

وَمَا يُسْتَحَبُّ فِيهَا مِنَ الْأَعْمَالِ

**FADHILA ZA SIKU KUMI
ZA MWANZO ZA (DHUL-HIJJAH)
[NA AMALI ZILIZO PENDEKEZWA NDANI YAKE]**

Imeandaliwa na:

Abu Halima Arafat Bin Mahmoud

1. Haya ndio masiku kumi bora zaidi ya mwanzo wa mwezi:

"مَا مِنْ أَيَّامِ الْعَمَلِ الصَّالِحِ فِيهِمْ أَحَبُّ إِلَى اللَّهِ مِنْ هَذِهِ الْأَيَّامِ الْعَشْرِ"

“Hakuna masiku yoyote kufanya amali njema ndani yake kunapendeza zaidi mbele ya Allaah kuliko masiku kumi haya”⁽¹⁾.

Amesema sheikh Ibn Uthaymin-Allaah amrehemu-:

"الْعَمَلُ الصَّالِحُ يَشْمَلُ الصَّلَاةَ وَالصَّدَقَةَ وَالصِّيَامَ وَالذِّكْرَ وَالتَّكْبِيرَ وَقِرَاءَةَ الْقُرْآنِ وَبِرَّ الْوَالِدَيْنِ وَصَلَةَ الْأَرْحَامِ وَالْإِحْسَانَ إِلَى الْخَلْقِ وَحُسْنَ الْجَوَارِ وَغَيْرَ ذَلِكَ... كُلَّ الْأَعْمَالِ الصَّالِحَةِ"

“Amali njema, inakusanya Swala, Sadaka, Saumu/Funga, Kuleta Adhkaar, Takbira, Kusoma Qur’an, Kuwatendea wema wazazi wawili, Kuunganisha ukoo, Kuwatendea wema viumbe (watu, wanyama n.k), Ujirani mwema, na yasiyokuwa hayo... (inaingia katika Hadithi hii) kila amali njema”⁽²⁾.

Amesema Abu Uthman An Nahdi-Allaah amrehemu-:

"كَانُوا يُعْظَمُونَ ثَلَاثَ عَشْرَاتٍ: الْعَشْرَ الْأَوَّلَ مِنْ ذِي الْحِجَّةِ، وَالْعَشْرَ الْأَخِيرَ مِنْ رَمَضَانَ، وَالْعَشْرَ الْأَوَّلَ مِنَ الْمُحَرَّمِ."

“Walikuwa (Maswahaba) wanayatukuza makumi matatu, kumi la mwanzo wa Dhul-Hijjah, kumi la mwisho la Ramadhani, na kumi la mwanzo wa Muharram]⁽³⁾.

2. Allaah ameapia kwa masiku haya:

﴿ وَالْفَجْرِ ** وَلَيَالٍ عَشْرٍ ﴾

“Naapa kwa alfajri*Na masiku kumi ya mwezi wa Dhul-Hijjah”. [Al-fajri/1-2].

Amesema Ibn Kathiir-Allaah amrehemu-:

"الْمُرَادُ بِهَا عَشْرُ ذِي الْحِجَّةِ. كَمَا قَالَهُ ابْنُ عَبَّاسٍ، وَابْنُ الزُّبَيْرِ، وَمُجَاهِدٌ"

1- Kitabu: [Sunan Tirmidh] (757).

2- Kitabu: [Sharhu Riyaadhu Sswaalihii] cha Ibn Uthaymin (Jz. 6, Uk. 113).

3- Kitabu: [At Tabswira] cha Ibn Al-Jauziy (Jz. 2, Uk. 124).

“Makusudio ya masiku kumi hayo ni siku kumi za mwanzo wa Dhul-Hijjah. Kama alivyosema Ibn Abbas, Ibn Zubeir, na Mujahid”⁽⁴⁾.

3. Haya ndio masiku bora duniani:

“أَفْضَلُ أَيَّامِ الدُّنْيَا أَيَّامُ الْعَشْرِ”

“Masiku bora duniani ni siku kumi za mwanzo za Dhul-Hijjah”. [Al-Jaami’] (1133).

4. Ndani yake kuna siku ya ‘Arafa:

“مَا مِنْ يَوْمٍ أَكْثَرَ مِنْ أَنْ يُعْتَقَ اللَّهُ فِيهِ عَبْدًا مِنَ النَّارِ، مِنْ يَوْمِ عَرَفَةَ”

“Hakuna siku yoyote ambayo Allaah anakithirisha zaidi kumuacha mja huru na moto kuliko siku ya Arafa”. [Sahih Muslim] (436).

Mtume Swala na Salamu zimshukie- anasema kuhusu saumu ya Arafa:

«يُكَفِّرُ السَّنَةَ الْمَاضِيَةَ وَالْبَاقِيَةَ»

“Inafuta madhambi ya mwaka uliopita na mwaka unaokuja”. [Muslim] (197).

“خَيْرُ الدُّعَاءِ دُعَاءُ يَوْمِ عَرَفَةَ، وَخَيْرُ مَا قُلْتُ أَنَا وَالنَّبِيُّونَ مِنْ قَبْلِي: لَا إِلَهَ إِلَّا اللَّهُ وَحْدَهُ لَا شَرِيكَ لَهُ، لَهُ الْمُلْكُ وَلَهُ الْحَمْدُ وَهُوَ عَلَى كُلِّ شَيْءٍ قَدِيرٌ”

“Dua bora ni dua ya siku ya Arafa, na dua bora niliyo isoma mimi na Manabii waliokuwa kabla yangu ni: Laa ilaaha Illa Llaahu wahdahu laa sharika lahu, lahul Mulku walahul hamdu wahuwa ‘alaa kulli shay-in Qadiir”. [Tirmidh] (3585).

5. Ndani yake kuna siku ya sikuu ya kuchinja (Eid al-Adh-ha):

“إِنَّ أَعْظَمَ الْأَيَّامِ عِنْدَ اللَّهِ يَوْمُ النَّحْرِ ثُمَّ يَوْمُ الْقَرْرِ”

“Hakika siku kubwa mbele ya Allaah ni Eid ya kuchinja, kisha siku ya Qarri”⁽⁵⁾.

Yaumul Qarri (siku ya kutulizana) ni: siku inayofuatia siku ya Eid (tarehe 11), imeitwa hivyo kwa sababu Mahujaji wote hutulizana huko Mina.

4- Kitabu: [Tafsir Ibn Kathir] (Jz. 8. Uk. 390).

5- Kitabu: [Sahih Ibn Khuzaima] (2966).

6. Ndani yake zimekusanyika ibada nyingi kubwa:

Amesema Ibn Hajar-Allaah amrehemu:-

"وَالَّذِي يَظْهَرُ أَنَّ السَّبَبَ فِي امْتِيَازِ عَشْرِ ذِي الْحِجَّةِ لِمَكَانِ اجْتِمَاعِ أُمَّهَاتِ الْعِبَادَةِ فِيهِ وَهِيَ الصَّلَاةُ وَالصِّيَامُ وَالصَّدَقَةُ وَالْحَجُّ وَلَا يَتَأْتَى ذَلِكَ فِي غَيْرِهِ"

“Na lenye kunidhihirikia, ni kwamba kutukuzwa siku kumi za Dhul-Hijjah, ni kwa sababu ndani yake zimekusanyika ibada nyingi kubwa, nazo ni”: Swala, Saumu, Sadaka, na Hija, na wala hayapatikani hayo katika siku (kumi zozote za mwanzo wa mwezi)”⁽⁶⁾.

7. Kuyatukuza masiku haya ni kujifananisha na Mahujaji:

Amesema Ibn Rajab-Allaah amrehemu:-

"لَمَّا كَانَ اللَّهُ سُبْحَانَهُ وَتَعَالَى قَدْ وَضَعَ فِي نُفُوسِ الْمُؤْمِنِينَ حَنِينًا إِلَى مُشَاهَدَةِ بَيْتِهِ الْحَرَامِ وَلَيْسَ كُلُّ أَحَدٍ قَادِرًا عَلَى مُشَاهَدَتِهِ فِي كُلِّ عَامٍ فَرَضَ عَلَى الْمُسْتَطِيعِ الْحَجَّ مَرَّةً وَاحِدَةً فِي عُمُرِهِ وَجَعَلَ مَوْسِمَ الْعَشْرِ مُشْتَرَكًا بَيْنَ السَّائِرِينَ وَالْقَاعِدِينَ فَمَنْ عَجَزَ عَنِ الْحَجِّ فِي عَامٍ قَدَرَ فِي الْعَشْرِ عَلَى عَمَلٍ يَعْمَلُهُ فِي بَيْتِهِ يَكُونُ أَفْضَلَ مِنَ الْجِهَادِ"

“Wakati Allaah Ta’alaa alipoweka katika nyoyo za waumini mapenzi ya kuishuhudia (kuiona) nyumba yake tukufu (Al-ka’ba), na hali ya kuwa si kila mtu ana uwezo wa kuishuhudia kila mwaka, akafaradhisha kwa mwenye uwezo kuhiji mara moja tu katika umri wake wote, na akajaalia siku kumi za mwezi wa Dhul-Hijjah ni msimu wa kushirikiana baina ya waliokwenda (Hija) na waliobaki nyumbani, basi yeyote ambaye hakuweza kuhiji katika mwaka (fulani), ataweza kuifanya amali katika siku kumi hizi akiwa nyumbani kwake, amali ambayo ni bora kuliko (kupigana) Jihad...”⁽⁷⁾.

Abu Halima Arafat Bin Mahmoud

Ijumaa 3/Dhul-Hijjah/1446^H – 30/5/2025^M

6- Kitabu: [Fat-hu al-Baari] (Jz. 2, Uk. 460)

7- Kitabu: [Latwaaif al-Ma’arif] (Uk. 272).